

書名 空同先生集六十三卷 嘉靖九年序刊本
撰者 明 李夢陽 撰
卷 卷十四
內容分類 集-別集-明中葉
索書號 倉石:40084
編號 4008000

卷十四

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



請求記号

倉石-40084



書名

空同先生集 嘉靖九年序刊本

5/19 ~ 14/19

李空同全集
四





先生集卷第十四

北郡李夢陽撰

詩 五言杜體詩四十首

大禮三首

裕祭頌述

丙寅元日朝退有作

邊塞八首

從軍四首

塞上雜詩二首

游覽八首

功德寺

翠華岩

望湖亭

呂公洞

香山寺

平坡寺

天寧寺觀塔碑

鏡光閣

懷古三首

媯皇墓詩送喬太常 三忠詞

艮嶽十六韻

感迷四首

天馬

古意

遣興二首

時序六首

歲暮

苦熱

十五夜

十六夜

十七夜

小至

贈酬八首

贈徐子

七夕遇秦子詠贈

贈王御史十四韻

酬伊陽殷明府追憶元寄十四韻

與殷明府期嵩少諸山不果十四韻

酬秦子以曩與杭子并舟別詩見示余覽詞

悲離愴然嬰心匪惟人事垂迂信手二十

二韻無論工拙并寄杭子

暮春逢林子邂逅殊邦復有東西之感念舊

寫懷輒盡本韻

安南歌送許給事中天錫

大禮三首

禘祭頌述

弘治十八年歲除日作是時 武宗初即位

嗚呼大聖人肇迹或漁樵蒼龍戢其角志固無丹霄
德祖始側微濬葉開 皇朝禮蓋視后穆面南統羣
昭大哉九廟義親盡敢不祧再遷及 皇熙世室闕
以寥裕辰復來集鳳皇鳴簫韶惟 皇率百辟孔祀
自今朝白日照寶旂御氣如絳綃將將磬筦鳴颯颯
靈旗飄恍惚帝醉飽諸王亦飄颻下有開國勲偃蹇

義一作儀

羅金貂愚臣叨對越精魄為之搖鼓鐘送羣公玉戶
風蕭蕭唐侯昔踐位十八號神堯 皇實秉敦默龍
性無逍遙道合天人際志與神明超降祉倘冥漠四
海無征徑

清廟篇

巖廊肅文欽芳區恣幽騁寬糾豈異性拘曠本珠境殊
欽岑路寢東森踈嘉樹靜珍叢媚朱夏秀幹揚修景
曳琚羣彥集拄笏萬慮屏仰望南城苑飛除帶崇嶺
巖危白玉閣要眇黃金井季主飾觀眺哲王擯遊幸
自非淵聖姿誰保天步永

丙寅元日朝退有作

赫赫大明朝皇皇啓八葉諒闇在冲齡憂勤績洪業
真人改革殊屢覩禎祥協春王肇元載萬國咸臣妾
端冕御茲辰縹緲仙雲接神飈翊紫蓋翔龍舞浩劫
哲后畏天威惕若春冰涉古編昭日星有躅尚可躡
大哉五始義允矣三陽浹

邊塞八首

從軍四首

漢虜互勝負邊塞無休兵壯丁戰盡死次選中男行
白日隱磧成胡沙慘不驚交加白骨堆年年青草生
開疆勦未已召募何多名蕭蕭千里烟狼虎莽縱橫
哀哉良家子行者常吞聲

從軍日已遠備茲途路艱驅車太行道北度鴈門關
天寒雨雪凍指墮曾冰間登高望虜境白沙浩漫漫
單于數百騎颼颼獵西山殺我烏玉弓赫然熱肺肝
安得奮長劍一繫名王還

三

別家亦云久昨得家中書書中何所云父母與妻孥
昔來柳依依素雪今載塗豈不念還歸天子西擊胡
登山眺故鄉存沒兩嗚呼丈夫死國讐安能懸里閭
生當取封侯怨別祗區區

四

久處行伍間漸知苦樂情能蟠丈八鎗徒御不我輕
府帖昨夜下燒荒有我名秣馬待天曙肅肅寒霜零
左鞬插雕羽雄劍躍且鳴日高渡黃河東過受降城
所美在滅胡富貴何足榮

屯田二首

葉落歸故根孤雲有時還凶年間里盡誰門今幸全
全者自何歸皮膚半不完百租叢其身欲訴誰見憐
吾家十八軍獨我猶從戰昨當戰交河左驛貫雙箭
本不識犁鋤况復千畝租三訴吏不語鎖頸投囹圄

二

日落蒼天昏奔馳吏下屯揚言科打使論丁不論門

老軍出聽叩老婦吞聲言邊城寡機杼耕種育兒孫
誅求餘粒盡竭力豢豚豚昨當統管來宰剥充盤飧
言既復長號吏去收他村

塞上雜詩二首

邊烽日夜至飛符來會兵羊牛入高砦雞犬皆震驚
壯士按劍起鞍馬若流星鎗急萬人靡笑上受降城
生繫五單于歸來獻天庭

二

胡兒追野馬迸蹄若驚鴻一馬帶雙箭墮我邊壕中
敢望不敢近踟躕各按弓抽身復北去天寒沙磧風

游覽八首

功德寺

宣宗昔行幸遊戲玉泉傍立宇表巖嶠開池荷芰香
波樓迤颯杳風松奏笙簧百靈具來朝落日錦帆張
萬乘雷電動千岩滅流光綺繡錯展轉翠旗香低昂
法眷撞鐘鼓宮女拭御妝笙鏞沸兩序星斗宿岩廊
至尊奉太后國事付三揚六軍各宴眠百官守舊章
巡非瑤水遠跡豈玉臺荒嗚呼百年來回首一慨傷
鳳騰赤霄暮龍歸竟茫茫山風撼網戶紫殿生夜霜
退朝值休沐我行暫翱翔始始登岸林慘慘度石梁
廢道哀湍寫松柏間成行啓鑰肅覽歷過位增悲涼
積久洒掃缺乳鴿鳴膳堂舊時琉璃井倒樹如人長
神已佐上帝教猶托空王鈴磬颯鳴夏晨昏禮相將
盤遊非聖理操縱在先皇至今朝廷上不改舊紀綱

翠華岩

洞劓耶律詞其名翠華巖俯視聳觀閣仰面攢松杉
厥維何王代鬼斧開嶰嶴精氣久削薄烟嵐鬱相攬
屢憇驗足齒獨往悲情九入蘿畏石墜轉嶠驚日銜
飄飄萬里風吹我秋衣衫放迹慕康樂入道懷賀監
載思武陵避愈悵桃花畧去住亦由人極目江上帆

望湖亭

來登望湖亭始盡覽歷妙布席倚岳嵌波望領佳要
山花落天鏡鉤簾巨魚躍岩潭逝隱見圓浪浴奔峭

屹嶽百萬閣日落展光耀羈縛阻延放臨淵羨孤釣
霜寒葭莩白沙晚鵠鶴叫吾非阮生倫於此亦長肅

呂公洞

厓根豁一門恠石相撐拄谿衍自吞呷白晝亦風雨
陰處汎清泉積苔蔭鍾乳往聞茅山勝夙慕華陽主
路遐限孤往倏歷十寒暑經亘騁心目小憇借道侶
茲洞雖人境固足託茅宇惕然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊
高卑各稱妙曲盡結構巧有泉如線縷盤轉出松杪
嗜竒忘登頓緣危肆探討險絕逼午斗蕭颯若風鳥
夜宿來青軒天色碧竒掃湖沙靜莽莽海月白皓皓
想當邦邑初此地只蒿草綺麗佗誰鑿巖壑爛相裊
但看全盛時民力爲茲槁

平坡寺

西山萬佛宇爛若舒錦繡平坡憑風迥突出衆山右
宮閣因岩坳面勢巧相就百里見琉璃截嶼戴雲構
朋遊探絕迹杪秋歷羣岫得此目力展恍疑出氛囿
仰看北斗逼俯恐東海溜雄壓香山麗闌掩望湖秀
落木響巖窟寒嵐染衣袖延緬古今并佇立悲慨湊
盛葉慮反始危基有傾仆千載誰復臨逆想蓬蒿茂

天寧寺觀塔碑

舊瞻天寧塔今覽天寧寺茲塔多鬼恠光芒夜夜至
不知何時毀結構今頽棄剔蘚讀其碑識是隋文季
蝌蚪半剥落蛟龍猶哭鼻我來值時暮攬逝發潛喟
修陸控趙代長山衛燕冀蒼然野眺合一灑楊朱淚

鏡光閣

我生走紛境性意苦不適榻來鏡光遊不覺祇樹夕
鳥藏丹閣暮蕭檝柿葉赤杳如造岩窰闕其寡人迹
其王戴金冠天子之所客迓我蒼筤下坐我紅罽席
落日入虛牖窈窕雲光白團團石蓮燈照耀錦繡壁
忽聞鈴磬發轉悵俗務迫靜躁本殊科利義各有癖
伊余竟何爲奔併阻行役乞君摩尼珠一照幸不惜

懷古三首

媯皇墓詩送喬太常

正德元年上以即位遣官禮百神

伊聞女希氏奮迹鴻荒日神功羲農並吹簧豁陰鬱
鰲極本寓言蛇身竟恍惚遺墓趙城側古廟松杉密
霍嶺峙嶺岼汾川眇蕩潏穆穆秉德臣肅肅奉瞻謁
祈靈沂遐躅明禋備精物天雖積清氣運久恐漏闕
徒煉五色石寥廓詎能越送子顧周道俾我心於邑

三忠祠

憶昔漢諸葛龍起蒼三顧志決竟星隕嘔血爲軍務
鄂國與信國屹屹兩玉柱殺身不救國冤憤水東注

往事勒鐘鼎新廟傍官路慘慘冠劍並凜凜生魂聚
翠旗晚明滅往往鬼神駐懷嘆各不申翻然向烟霧
我征久奔迫過此感傷屢時來展肅謁繫馬門前樹
香臺野蕪上羅幔虫蟻蛀烈士爲吞聲清風激頑孺

艮嶽十六韻

城北三土丘揭嶸對堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王富東京實罕有
鑿池通嵌竇移山媚戶牖岌業樓觀合歛吸風雷走
岩陰翡翠吟海窟蛟鼉吼燕趙矜麗八搜剔克妃后
君臣互沉沔斯道詎能久嗚呼花石費銖鎰盡官取
此風卷黃屋此地竟誰守迢迢五國城二龍回其首

向使任忠良邦國得滅否余來值寒暮悲歌坐林藪
狐狸窟古壘破瓦沒藜莠孤城峙我前蒼蒼日將酉

感述四首

天馬

天馬從西來汗血何歷歷天子顧之笑置在黃金櫪
嗚呼神駿骨草豆日蕭瑟瘦骼突硤兀銜轡掛在壁
白日涕至地青雲志拋擲朝望竭石津夕盼流沙積
猶能肆橫行倘君賜鞭策

古意

有鳥何方來哀鳴向西北我欲縛此鳥天路險且棘
悠悠浮雲行照我暮顏色丈夫重幾微男兒死邦國

長鯨一奔逃萬網不可得平生及掌志對此空嘆息
亭亭特生柱道傍旣其實孤桐雖良材棄擲處遐域
而余竟焉往嗚呼淚沾臆

遣興二首

金陵固麗地幽薊亦名城皇天作南邦北斗開瑤京
萬國梯航入宮殿造泰清大哉帝王居海岳自環縈
禹功肇胼胝湯也勤四征煌煌肯構訓聖人垂其情

二

四海為我土九夷盡來王貢琛至北戶北至玄谷陽
我祖秉天鉞血戰開其疆當時受命佐一一皆忠良
質薄倚日月萬古瞻騰翔乘運雖有時盛業當自強

時序六首

歲暮

軒坐意悄悄感此歲年暮一氣有肅殺昊天縱霜露
衰容挫萬物日月立復度赤驥初長成自謂中君御
揚鞭過都市萬馬不敢步天寒草蕭瑟側塞在中路
良辰不再至我髮忽已素不見古賢達盡被名所誤
沉吟惜蟋蟀延佇羨鷗鷺終然托遠適餘者豈足顧

苦熱

伏陰固當奮九陽乃逾緬嘈嘈蟪蛄鳴樹杪風不展
上天收雷雨萬物沮沾洗推案忽大叫蓐馭何時返
赤日厚地裂揮汗無晨晚古時有虞舜彈琴理驕蹇

軒轅制六律四序無乖舛何當挽二聖吾欲遂仰偃

十五夜

夜陳芳宴會座有離羣友中秋而無月何以慰尊酒
賓主慘不樂周席盡回首向黑明鐙入雲景爛虛牖
尚覲光破滿時問陰薄厚吁哉至精物汝亦蒙此垢
上天悲隔遠人生怨分手月既有開塞吾寧息奔走
霜露棲蔓草疾風下高柳勸君聊盡觴居諸亦何有

十六夜

四海蒸為雲三夜皆天風他方縱有月不照長安中
長安十二樓戶牖鑿玲瓏貴家金張徒高宴開幷幪
華燭代明月何必光遂通夕露久已晞懽娛良未終

迫塞諒有殊盛衰寧見同悠揚雲中魄既滿還自窮
鬼神惡盈踰天道懷其公

十七夜

幽意竟不愜待月坐沙際夕陰固當豁明月忽墮地
桂枝沒半輪蟾兔職業廢姮娥飾粉妝愁絕雲樓闕
鸞憂不解舞竟夕掩孤袂崔嵬黃金闕何由訴天帝
景破力不敵光滿雲仍蔽傍徨步林樾為爾一流涕

小至

日為衆陽宗來往成謝代來之生萬物往以至成歲
亭亭羲和駕建此南飛旆雙龍服偃蹇流雲翼其外
和風卷東霧重陰颯無賴樞知化工幹冥與天意會

大君肅嘉禮君子幸亨邁誰能助新陽爲我激靈籟
贈酬八首

贈徐子

偃王世蕪沒石麟亦埋翳徐子發東吳英論有餘地
龍遊滄波阻日出浮雲蔽嗚呼獻玉士竟洒荆山涕
光掩明珠棄寵奪西施廢古來共如此不獨君遭際
余本澹蕩人傾蓋託末契酣歌繼日暮醉酒無陰翳
各爲征蓬散吾豈匏瓜繫舊時南陽宅回首成迢遞
蹈海有夙期與子自茲逝

七夕遇秦子詠贈

皎皎河漢月照我西南樓七夕遠賓集置酒城東陬
展席對雙星盈盈隔中流豔豔靚妝女欲濟無方舟
神爽即易合茫昧竟難求明明君子德寡妣誰爲仇
豈無采唐約失身良見尤人生信齟齬世事良悠悠
不見古時人皓首猶公侯葵藿不餓死富貴安可謀
願繁場下駒盡我盤中羞我今爲秦聲子也當吳謳
酣歌達清曙臨分贈吳鉤

贈王御史十四韻

夕寒風自起集雪耀中宇朗月一何速早已爛芳醕
邂逅我蘭友設尊欵清語連翩忽竟夜悲嘆爲故侶
瑤華雖莫折羽觴時復舉念昔青年日共矯凌風羽
啄食九天步宿必華池渚中路更險艱風波各失所

大明盪妖氛迴光蔭衰腐諸賢旣連茹王子豈羈沮
餘生實自慶追念良已苦撼促廣陵散愴惻山陽旅
事諧終合并感往徒心楚棄置且安寓懽娛弄尊俎

酬伊陽殷明府追憶見寄十四韻

弱齡負竒節志欲凌海岳白馬金陵來遊戲宛與洛
出從七貴飲醉調五侯謔妍華不見售讒巧恩愛奪
涼風卷團扇世路隨飛藿謫居宰山邑頗喜占名郭
川嶺鬱森秀烟雲日噴薄况當素秋霽清霜掃天末
龍門旣踈峻伊水復澄豁啓牖眺飛泉據案望岑嶠
獨撫岩中琴遙枉汴上作懷賢諒枉茲感舊但如昨
徒然佇玉鳧未果偕緱鶴終期謝紛袂攜手向嵩岳

與殷明府期嵩少諸山不果十四韻

旅寓限崩迫騷屑隘煩務向來嵩少約屈指謂旦暮
豈惟攀時彥兼欲展秋步僕夫戒衣糧車馬亦充數
胡然泥行邁遂此嘆垂暹峩峩雲中峯阻爾獨何故
佇瞻風嶠突側耳石泉注夜來逍遙夢忽落嵩山樞
壘垂松猿噉澹沲岩姿露存已超彷彿醒若涉顛瀾
彼美眇何許茲端愴難屢采蕙忌及晚我疾畏晨露
烟蘿四時佳春服易爲具河陽羣葩發振策冀有遇
酬秦子以曩與杭子并舟別詩見示余覽詞
悲離愴然嬰心匪惟人事乖迺信手二十二
韻無論工拙并寄杭子

憶年二十餘走馬向燕甸縉紳不識憂朝野會清晏
嗜酒見天真憤事獨扼腕出追杭秦徒姚姚弄柔翰
探討常夜分得意忘昏旦雪雨亦扣門僕馬頗咨惋
歲蕤香山閣齒翠蓬萊殿登頓窮日力延攬侔壯觀
孔翠不易馴人生本無絆蕭蕭田中蓬隨風各分散
杭生比適越秦子遊灑澗南北兩文星光芒亘霄漢
余衰更乖謬挂一每漏萬夙遭青門斥差勝黃州竄
偃息於沙澤遊遨傍河岸秦也雖共區累月不一見
秦實困勞冗余亦怕梳盥何況阻疆域杭也江之畔
怍怍睽隔積鬱鬱歲年換無計脫煩促轉坐迫滋蔓
再讀並舟篇愈切山陽嘆誦言各欽德悲離古所患

暮春逢林子邂逅殊邦念舊寫懷輒盡本韻
赤驥奮途路神龍厭池沼不登泰山頂豈見衆山小
明公昔際遇志與青雲香爛承夕扉詔畚苦司隸擾
君乎實憤切軒然爭臣表朝野凜生氣樹鮮安巢鳥
名孤衆毀集竄薄憂心悄一投海濱郡遂守荒江眇
遼遼嶺南國借爾揭文旄中天行日月曼曼孤鶴矯
君雖關內產迹自閩中肇業從考亭入統爲橫渠紹
伊余放曠人漁潛侶荷蓀二羊以多岐望洋徒浩漭
睽離歷十暑邂逅值春杪日談恨易夕夜坐忽及曉
苑花雖寂寂風絮尚嫋嫋回首通州別屈指日不少
今看兩白髮誰忍置清醪君行秉人軸吾歌入幽渺

林岑有夙愉烟蘿闐裊裊誠無王良顧空山沒騷

安南歌送許給事中天錫

芳阡藉文轂思楊縮鳴珂使君且勿發聽我安南歌
安南古夷隩嶺嶼蔚陂坨炎原吼象兕溟窟厯鼉鼉
爰自秦漢降替怛尋干戈天皇操化樞環海無驚波
永執臣妾禮稽首心靡他珠犀走北陸翡翠供虞羅
王臣乘四驪駮駮金盤陀朝濟白藤江暮涉富良河
白日破蠻霧銅柱孤嵯峨雕題覩漢儀芭舞何傿傿
皇仁罄所宣紆征采民哦使君聆我詞慷慨不顧家
僕夫杖明鉞絳節拂林華樓船下烟渚鼓吹達海涯
空同先生集卷第十四

空同先生集卷第十五

北郡李禹陽撰

詩 五言古詩四十四首

長詩一首

乙丑除夕追往憤五百字

效陶體四首

田居左生偕二李見過二首

城南別業夏集二首

效唐體一十七首

慶都篇

帝乙

黃衢二首

十二月朔